

Foux Lungzyieng Ronggyoiy Bouxcuengh:

Gaekdeu Yaenqlog Vwnzmingz Dajndaem Daegbied

壮族芭蕉香火龙舞: 镌刻独特的农耕文明烙印

□ Dangz Cinghsiu

▲ Lungzdaeg lungzmeh
foux hoenghwd.◀ Foux lungzyieng ronggyoiy yinx
vunzlai humx yawj.▲ Lungzdaeg lungzmeh
caez soengq fuk.▲ Lungzronggyoiy bae
camgya diegwnq hozdung.▲ Lungzronggyoiy fangienj
baenz gyongx.▲ Duzlungz foux hwnj foux
roengz caen yinx vunz.

▲ Hwnj daizheiq biujvienj.

▲ Song lungz baij yiengh
caez hoh fuk.▲ Lungzmeh fonjndang
raek gitleih.▲ Lwgnyez swnciep foux
lungzronggyoiy.

Baez daengz ngoenzciet, gyoengq beixnuengx Bouxcuengh gak mbanj Cangzdangz Cin Cinghsiu Gih Namzningz Si couh roq gyonglaz boq loxlez dwk angqangq yangzynagz diuq foux yienglunz ronggyoiy, banh gij hozdung fungsug ndawbiengz foux lungzronggyoiy hoenghwd haenx, mbaenjgouz lungzsaenz baujyoh vunzmbanj an' onj ndangcangq, miz lwg miz lan, saedcej vuenyungz. Bi 2010 ndwen 5, fouxlungzyieng ronggyoiy Bouxcuengh Cinghsiu Gih ndaej lied haeuj swcigih buek daihsam feih vuzciz vwnzva yizcanj mingzloeg, bi 2012, Cinghsiu Gih ndaej Cungguk vwnzyi'gyah ndawbiengz hezvei ancoh guh "mbanjanr z lungzyieng ronggyoiy Cungguk".

Lungzronggyoiy caeq gij guh-hong, saedcej vunzlai doxgven maedciet, miz gij cwkmom vwnzva ndaemnaz Bouxcuengh nanwt, gaekdeu miz gij yaenqlog vwnzmingz dajndaem daegbied Bouxcuengh.

Gaxgonq roeb mbwnrengh seiz, gyoengq vunzlai Lungzanh, Yungh-ningz, Liengzging, Cinghsiu daengj Yienhgh Namzningz Si cungj aeu diuzgaeu hotheuz youq gwnz go'gyoiy le baenz go vut roengz ndaw raengz bae, aeu neix daeuj heuh ndiu duzlunz, hawj duzlunz fonjndang, yienghneix couh miz fwndoeck lo, biujdap le gij simmuengh gyaundeivunzlai mbaenjgouz rumz dingh fwn yinz haenx. Ndigah lungzronggyoiy cix dwg biujyienh cungj yizsi cuengqcaeq ndeu, daj hainduj daengz gatsat miz daj henz raengz cingj lungz, heuh lungz ndiu, lungz fonjndang, lungz loengh caw, lungz dawz mok, lungz roengzfw, gyo' mbaic lungz, cingj lungz dauqma ndaw raengz daengj baenz dauq guhfap, yiemzrwd hoenghwd.

Foux lungzyieng ronggyoiy Bouxcuengh dwg diuqfoux ndawbiengz Bouxcuengh youq ranghdieng Cangzdangz Cin Cinghsiu Gih caeq gij dieg henzgyawj de riuzcienz lai, daengz seizneix gaenq miz 300 lai bi lizsij. Youq gij dieg neix, baez daengz ndwencieng roxnaeuz ngoenzciet ngoenz angqhoh, daegbied dwg liggaeuq ndwencieng cobet, ndwengeih co'ngieih, sam nyied sam, seiq nyied bet, ngux nyied ngux, ndwenaet cibngeih daengz cibloeg, lij miz liggaeuq moix ndwen coit, cibngux daengj, vunzmbanj cungj guh

ceiz baek yieng cuengqcaeq, aeu goek go'gyoiy guh gyaeuylunz, aeu ganj go'gyoiy cug baenz ndanglungz, cugswnj baenz yiengh duzlunz, caemhcaiq youq gwnz gyauej, ndang duzlunz baek diuzyieng diemjdawz rim doh, youq ndaw naz gyauejreih diuq foux lungzyieng ronggyoiy mbaenj fuk, comz doih fouxlungz biujyienj, caemhcaiq guh baenzdauq hozdung. Cungj foux neix goekrag de dwg daj foux goengsae Bouxcuengh daeuj, gvaqlaeng supsou le gij yamqfoux caeq yienghdoengh heiq goengsae, heiq mauhngg, dwkgienz, sajbajheiq daengj vwnzva cienzdoengj, yienjbienq baenz cungj hingz sik diuqfoux miz daegsaek minzcuz naekgywg daegbied ndeu, aeu gij yamqfoux geizlaenz goengsae, yamqfoux goujcingq guh diuqfoux biujyienh hingz sik daegbied de, gij doenghlwd diuqfoux de lai yiengh ndei yawj, gij yienghdoengh vaiqmenh de mingzbeig yienhda, ndawcomz vwnzva lai cungj lai yiengh.

Lungzyieng ronggyoiy gungh miz 9 hoh, moix hoh cungj aeu duk san ndei caiq aeu ndaijgyoiy cug ndaet lien baenz duzlunz, caiq cug gapgyoiy baek ronggyoiy hwnjbae, youq gyaeuylunz, ndanglungz baek baenz geij cien diuz yieng diemjdawz yaprongh haenx, guh baenz duzlunz gouj hoh raezrangh yap rongh lwenqda ndeu. Miz gouj boux goengsae foux lungz, boux ndeu foux hoh ndeu, lingh miz boux vunz ndeu byaij youq baihnaj duzlunz foux cawlungz hairon. Bouxai foux lungzdaeg, bouxmbwk foux lungzmeh, lungzdaeg lungzmeh miz yiengh faen ndaej yienhda, lungzdaeg najdungx dwg saek hoengz, laenghwet aeu gij ronggyoiy rozhenj cugguh, ndaw heu miz henj, yawj hwnjdaeu vifung gvaekgvaek; lungzmeh ne cix dwg cingh saek heu. Baenz duz lungz caenh raen gapgyoiy ronggyoiy, henjcengj heusaux, yawj bae gaeuqgeq, mbwnbaenz, daegsaek yienghnduj yienhda.